



ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРИНИНГ
БУЙРУҒИ

2019 йил “13” апрел № 340

Тошкент ш.

**Олий таълим муассасаларида
дарс машғулотларини мавзулар
бўйича тегишли жойларда сайёр
ўтказилишини таъминлаш
тўғрисида**

Ўзбекистон Республикаси Президенти Ш.М.Мирзиёев раҳбарлигида 2019 йил 19 мартда ўтказилган видеоселектор мажлисининг 12-сонли баёни 10-бандида белгиланган топшириқлар ижросини таъминлаш ҳамда олий таълим муассасаларида тарих, архитектура ва қурилиш бўйича дарс машғулотларининг мавзуларга мувофиқ равишда тегишли жойларда ўтказилишини таъминлаш мақсадида

Б У Ю Р А М А Н:

1. Янги дастурлар ва ўқув адабиётларининг жорий этилишини назорат қилиш бош бошқармаси (С.Ниязбеков), олий таълим муассасалари ректорлари ва филиаллар директорларига жорий ўқув йилидан ишчи дастурларида амалиёт машғулотларининг:

тарих фани бўйича камида 30 фоизини ҳудуддаги музейлар, тарихий обидалар, театрлар, зиёратгоҳлар ва қадамжолар, жумладан, Тошкент шаҳридаги олий таълим муассасалари талабалари учун Ўзбекистондаги Ислом цивилизацияси марказида;

архитектура ва қурилиш, жисмоний тарбия фанлари бўйича зарурий соатлар ҳажмида (30 фоиздан ошмаган ҳолда) тарихий ва замонавий обидаларда, қурилиш, спорт мажмуаларида, жумладан, Тошкент шаҳридаги олий таълим муассасалари талабалари учун “Tashkent city” халқаро бизнес маркази лойиҳаси қурилиш мажмуаси, “Хумо Арена” саройида ўтказилишига ажратиш вазифалари юклатилсин.

2. Олий таълим муассасалари ректорлари ва филиаллар директорлари:

талабаларнинг дарс машғулотларини жорий ўқув йилидан бошлаб қайд этилган жойларда сайёр ўтказилиши бўйича тегишли чора-тадбирларни амалга оширилишини;

ўтказилган дарс машғулотлари, жойлари ва муддатлари тўғрисидаги маълумотларни Кадрлар тайёрлаш ва олий таълим муассасаларини ташкилий методик таъминлаш бош бошқармасига тақдим этиб борилишини таъминласин.

3. Матбуот хизмати (Ф.Бабашев), олий таълим муассасалари ректорлари ва филиаллар директорлари дарс машғулотларининг тегишли жойларда сайёр ўтказилганлиги тўғрисида мунтазам оммавий-ахборот воситаларида ёритиб борилишини таъминласин.

4. Мазкур буйруқ ижросининг назорати вазир ўринбосари У.Бегимқулов зиммасига юклатилсин.

Вазир



И.Маджидов